

ПАРРАНДАЛАРНИНГ ЮҚУМЛИ АРАЛАШ КАСАЛЛИКЛАРИ

Элмуродов Б.А., Курбонов Ф., Қиямова З.

Ветеринария илмий – тадқиқот институти, Ўзбекистон Республикаси, Самарқанд ш.

СМЕШАННЫЕ ИНФЕКЦИОННЫЕ БОЛЕЗНИ ПТИЦ

Элмуродов Б.А., Курбонов Ф., Қиямова З.

Научно – исследовательский институт ветеринарии, Республика Узбекистан, г. Самарканд

MIXED INFECTIOUS DISEASES OF AVIAN

Elmurodov B.A., Kurbonov F., Kiymova Z.

Scientific Research Institute of Veterinary Medicine, Republic of Uzbekistan, Samarkand

e-mail: nivi@vetgov.uz

Резюме. Иккита ёки учта касаллик қўзгатувчилари билан заарланган паррандаларда алоҳида касаллик қўзгатувчилари билан заарланган паррандаларга нисбатан мураккаб ва чукур ўзгаришлар кузатилади. Аммо фақат клиник белгилари билан чекланиб бу касалликларни бир биридан фарқлаши жуда қийин, шунинг учун уларни патологоанатомик текшириши мақсадга мувофиқдир. Паррандаларда учрайдиган клиник белгилари ва патоморфологик ўзгаришлар жуда мураккаб, бошига касалликлардан тубдан фарқ қиласди. Аммо яхши эътибор билан таҳлил этилса вақтида тўғри диагноз қўйилиб, ушбу касалликларга қарши кечиктирмасдан олдини олиш чора-тадбирларини кўриши имкониятини яратади.

Калип сўзлар. Паррандалар, бактерия, қўзгатувчилар, патоморфология, колибактериоз, пуллароз.

Abstract. Poultry infected with two or three pathogens show complex and profound changes compared to poultry infected with a single pathogen. However, it is very difficult to distinguish these diseases from each other based on clinical symptoms only, so it is advisable to examine them pathologically. Clinical signs and pathomorphological changes in poultry are very complex and differ significantly from other diseases. But if analyzed with good attention, a correct diagnosis will be made in time, and it will create an opportunity to take preventive measures against these diseases without delay.

Keywords. Poultry, bacteria, causative agents, pathomorphology, colibacteriosis, pullarosis.

Кириш. Кейинги йилларда паррандачилик фабрикаларида ва кичик фермер хўжаликларида паррандалар орасида бир неча қўзгатувчилар чақирадиган юқумли касалликлар биргаликда учраб кўплаб паррандаларнинг ўлимига сабаб бўлмоқда. С.А.Артемиев ва М.Бабаева (1970) икки ярим ойлик 40 бош жўжани ун бошдан 4 гурухга бўлиб, биринчи, иккинчи ва учунчи гурухларга пастереллаларнинг 5 та ва эшерихияларнинг 5 та штамини аралаш холда соққолига (бародок) юқтиришган. Тўртинчи гурух назоратда бўлган. Ички аъзоларида олинган намуналар ГПА ва ГПБ да экиб кўрилганда пастереллалар ва эшерихиялар ўсганлиги аниқланган. Шуларни инобатга олиб, Ўзбекистон ветеринария илмий-тадқиқот институтининг олимлари паррандаларнинг юқумли бактериал аралаш (колибактериоз, пуллороз ва пастереллёз) касалликларининг клиник белгилари ва патоморфологик ўзгаришларини тажрибада ва табиий шароитда батафсил ўрганиб натижаларини ишлаб чиқаришга тавсия этилмокдалар.

Материаллар ва методлар. Патологик намуналардан тайёрланган суртмалар Грам ва Романовский-Гимза усуулларида бўялиб, микроскопда кўрилади. Топилган бактерияларнинг шакли ва бўялиши қайд қилинади. Бактерияларнинг хили ва қайси кўпроқ учрашиши аниқланади, натижалари журналларда қайд қилинади. Патологик намуналардан сунъий озука мұхитларига бактерио-

логик экма экилади ва термостатларда ўстирилади. Озука мұхитларига экилган бактерия культурапарининг ўсиши назорат қилинади, колониялар тури, хилма-хиллиги, ранги, ўлчами аниқланади. Ушбу хусусиятлар оддий ГПК, ГПА, Китт-Тароцци ҳамда селектив Эндо ва Плоскирев мұхитларида экиб кўрилади. Бактериялар колониялар хусусиятларига қараб ажратилади. Патологоанатомик текширишларда қўйидаги ўзгаришларга эътибор қаратилади: паррандаларнинг холатига, шиллик пардаларнинг ўзгаришига гавданинг ва қоннинг холатига, унинг рангига, терининг холатига ва бошқаларга.

Ички аъзоларни текширганда тери ости клечаткаси, лимфа тугунлари, қон томирлари ва паренхиматоз аъзолар жигар, буйраклар, упка, юрак, талоқ, кўпайиш органлари, ички чиқарув безлари бош ва орқа миянинг ташки кўринишига ахамият берилди. Организмда бўладиган ўзгаришларни кузатганда асосий диккат аъзоларнинг хажмига, зичлигига, рангига ва юзасидаги ўзгаришларга кесиб кўрилганда эса тўқималарнинг холатига, тўлақонлигига ва буқканлигига қаратилди. Ошқозон ичак бўлнимининг сероз ва шиллик пардаларига, ингичка ва йўгон ичакларнинг холатига, геморрагик яллиғланишлар, дистрофия, атрофия ва некротик ўчокларга эътибор берилди. Барча тадқиқотлар юзасидан гистологик текширишлар ўтказилди. Бунда аъзолардан: жигарнинг жарохатланган ва соғ тўқималари орасидан хар

хар жойидан, бўйраклардан, талоқдан, юракдан, упка ва ошказон ости безидан, бўлакчалар олинади. Хар бир ичак бўлакларидан олинади. Ичаклардан олинган бўлакчаларнинг узунлиги ва қалинилиги 2-3 см, аъзолардан олинган намуналарнинг қалинилиги 0,5 см бўлиши лозим. Барча текширишлар ўтказилгандан сунг патологоанатомик узгаришлари бўйича хлоса қилинади.

Натижалар ва уларнинг таҳлили. Аралаш юкумли касалликларда клиник белгилар касалликнинг оқимига ва қўзғатувчиларнинг вирулентлигига қараб ўзгаради. Касалликлар ўткір оқимда кечса касаллик мураккаблашиб жуда оғир ўтади. Бундан ташқари клиник белгилар организмда касаллик қўзғатувчиларнинг турига ва микдорига боғлик ҳолда ўзгаради. Масалан, пастереллёз ва колибактериоз касаллик қўзғатувчилари бир организмда учраганда уларнинг клиник белгилари қўйидагича ўзгаради: уларда ҳолсизланиш, қалтираш, озукадан бош тортиш, иккинчи куни хирриллаш, кўп ётиш ҳолатлари, шиллик пардаларнинг қизариши, тана ҳароратининг $42,0-42,5^{\circ}\text{C}$ гача кўтарилиши ҳамда қонли ич кетиш кузатилади. Пастереллёз ва пуллороз касаллик қўзғатувчилари биргаликда учраганда эса мазкур товуқ ва жўжалар ҳам ҳолсизланган, бошини эгиб ётиш ҳолатлари, иштаҳанинг йўқолиши, касалликнинг иккинчи куни эса иштаҳасининг бўлмаслиги эвазига озукадан бош тортиш ҳамда тана ҳароратининг кўтарилиб кетиши, нафас олишнинг кучайиши кузатилади. Уларда ич кетишни суюқ кўқимтири бўлиши билан бирга оёқларнинг фалажланиши намоён бўлади. Пастереллёз, колибактериоз, пуллороз касалликлари биргаликда кечганда товуқларда клиник белгилар бироз мураккаб кечганлиги кузатилади. Уларда қонли ич кетиш, бурун бўшлиғидан йирингли экссудатларнинг оқиши, тўш олди ва қорин бўшлиқларида шишиларнинг хосил бўлиши, тана ҳароратининг $43,5-44,0^{\circ}\text{C}$ гача кўтарилиши, шунингдек қонли ва йирингли ич кетиш кузатилиб оёқларнинг фалажланиш ҳолатлари намоён бўлади. Шундай қилиб, клиник белгилари жиҳатидан иккита ёки учта касаллик қўзғатувчилари билан заарланган паррандаларда алоҳида касаллик қўзғатувчилари билан заарланган товуқларга нисбатан мураккаб ва чукур ўзгаришлар кузатилади. Аммо факат клиник белгилари билан чекланиб бу касалликларни бир биридан фарқлаш жуда қийин, шунинг учун ҳам уларни патологоанатомик ва патогистологик текшириш мақсадга мувофиқдир.

Патологоанатомик ўзгаришлар. Паррандаларда пастереллёз ва колибактериоз касалликлари биргаликда кечганда патологоанатомик ўзгаришлар бироз мураккаб ва доимийлиги билан фарқ қиласи. Бунда

гавдаларнинг жуда ориклиниши, қотмаганлиги, оғиз ва бурун бўшлиқларидан кўпкли суюқлик оқканлиги, айримларида бу суюқлик қон аралаш бўлиши, шиллик пардаларда айниқса коньюктивада гиперимия ҳосил бўлганлиги, клоака атрофлари суюқ сариқ рангли ахлат билан ифлосланганлиги, патларининг рангизланганлиги кўзга ташланади. Асосан тери ости клетчаткаларида ва ошқозон-ичакларида қон томирларнинг тўлақонлиги кузатилади. Сероз пардалари нуктали қон қўйилишлар, қон томирлари қон билан тўлганлиги барча касалланган товуқларда кузатилади.

Юракнинг катталашганлиги ва нуктали қон қўйилишларнинг кучайганлиги, ўпкада эса бронх ва альвеолалар бўшлиқларидан кўпкли шилимшиқ модданинг тўпланганлиги, шунингдек бир неча ателиктатик ўчокларнинг мавжудлиги кўзга ташланади. Асосий ва доимий ўзгаришлар талоқда бўлиб, унинг ҳажми катталашган, юзасида нуктали ва доғсимон қон қўйилишлар қайд этилиб, асосий ўзгаришлар ошқозон-ичакларда кузатилади. Яъни мускулли ва безли ошқозонда 2-3 дона 0,5 см катталиқдаги яраларнинг бўлиши аҳамиятлидир. Пастереллёз ва пуллороз касалликлари биргаликда учраганда товуқлар гавдасида, яъни, бош, бўйин, қанот ва клоака атрофи тери ости клетчаткаларида шишилар хосил бўлади, оғиз бўшлиғидан қон аралаш кўпкли суюқлик оқади. Ёриб кўрилганда барча товуқларнинг ўпка ва ошқозон-ичакларида қон томирларнинг тўлақонлиги, сероз пардаларида нуктали ва доғли қон қўйилишлар кенг тарқалган. Ўпканинг ҳажми катталашган, оч қизил рангда, юзасида нуктали қон қўйилишлар, жигар анча катталашив, юзасида нуктали ва доғли қон қўйилишлар, гиперимия ҳолатлари ва буйракларда геморрагик жараёнлар кузатилади. Мускулли ошқозон шиллик пардаларида шилимшиқ аралаш қорамтири модда йигилган, майда нуктали қон қўйилишлар, эрозия ва яралар мавжудлиги билан ифодаланади. Талоқ ҳажми бироз катталашган, юзасида майда қон қўйилишлар бўлиб, кесганда пульпаси тўқ қизил рангда кўринади. Ичакларнинг шиллик пардаларида катарал-геморрагик яллигланиш, доғли қон қўйилишлар, айниқса ичакларда 1-2 см катталиқдаги бир неча яралар борлиги аниқланади. Пастереллёз, пуллороз, колибактериоз касалликлари биргаликда кечганда парранда гавдаси орқ, ташқи шиллик пардалари гиперемиялашган, клоака атрофи суюқ ахлат билан ифлосланган, қанот ости лимфа тугунлари шишилар. Касалликнинг ўткір оқимида жигар, талоқ катталашган, қон томирларида қон тургунлиги, юзасида кўп сонли қон қўйилишлар, жигарда эса пуллорозга хос паратифоз тугунчалар хосил бўлганлиги, буйраклар катталашив юзасида

дөгсімон қон қуишишлар кузатилади. Касалликнинг сурункали оқимида ўпканинг дифтеритик яллигланиши, унинг зичланиши, жигар, талоқ ҳажмининг кичрайиши, ошқозон ичакларнинг шиллиқ қаватларида нұқтали, доғли қон қуишишлар ва ширдонда шилимшик модданинг күп түпланганлиги, дистрофик-некротик ўзгаришлар, геморрагик яллигланишлар ва яралар күп учрайди. Талоқнинг айрим жойларида майда қон қуишишлар, ичакларнинг тутқичларидағи лимфа тугуллари яллигланган, буйракларда гемодинамик ва дистрофик ўзгаришлар кучли ривожланган, капсуласи ҳам кенгайған, фибринли суюқлик билан түлган.

Шундай қилиб, паррандаларда учрайдиган клиник белгилари ва патологоанатомик ўзгаришлар жуда мураккаб, бошқа касалликлардан тубдан фарқ қиласы. Аммо яхши эътибор билан таҳлил этилса, вактида түғри диагноз қўйилиб, касалликларга қарши ўз вактида олдини олиш чора-тадбирларини кўриш имконияти яратилади.

Патогистологик ўзгаришлар. Пастереллөз ва колибактериоз билан биргаликда касалланган паррандаларнинг миокардида қон томирларнинг кенгайғанлиги, қонга түлганлиги, мускул толалари атрофидаги бўшликлар анча кенгайған ва шишган. Кўпчилик альвеолаларнинг бўшликлари эритроцитлар билан түлган, респиратор капиллярлар ҳам кенгайған ва қон элементлари билан түлган, айрим жойларида қон турғунлиги ва ўчоқли қон қуишишлар мавжуд. Бириктирувчи тўқималари бўшашибган, қисман гомогенлашган. Интерстициал тўқима фибробластлар, лейкоцитлар ва кам холларда учрайдиган бактериялар түпламлари билан инфильтрациялашган. Жигарда содир бўлган гистологик ўзгаришлар анча чукур бўлиб, қон айланишнинг бузилиши, дистрофик ва қон томир деворларининг яллигланиши билан ифодаланади. Талоқнинг қон томир деворларининг адвентициал қатлами қалинлашган, қисман бўшашибган, толалари гомогенлашган. Шунингдек майда қон қуиилган ўчоқларни кўриш мумкин. Лимфа тугулларида гиперпластик жараёнлар кучли ривожланган. Буйраклардаги характерли гистологик ўзгаришлар кўпинча қон томирларнинг кенгайиши ва қонга тўлиши, диападезли қон қуишишлар билан ифодаланади. Ошқозон-ичакларда қон томирларнинг кенгайиши, тўлақонлиги, ўчоқли экстравазатлар, периваскуляр сероз шишлар асосий ўзгаришларданadir. Ичакларнинг шиллиқ пардаларида катарал яллигланиш жараёнлари кескин ривожланган. Ичакларнинг күп қисмларида ўчоқли эрозия ва некрозлар учрайди.

Пастереллөз ва пуллороз касалликлари аралаш ҳолда касалланган товуқларнинг юрак қон томирлари бўккан, эндотелий кўчган айрим томирлар атрофидаги гистиоцит, лимфоид ва лейкоцитлардан иборат хужайра түпламлари пастереллөз ва колибактериоз касалликлари билан касалланган товуқларга нисбатан анча күп. Жигардаги гистологик ўзгаришлар пастереллөз ва колибактериоз касалликларига ўхшаса ҳам аммо жигар паренхимасидаги содир бўлган некротик тугунчалар билан улардан фарқ қиласы. Талоқнинг айрим жойларида майда қон қуишишлар ва лимфоид түпламлар кўринади. Трабекулалари бўккан, толалар кўриниши ноаниқ, буйракларда гемодинамик ва дистрофик ўзгаришлар кучли ривожланган, капсуласи ҳам кенгайған, фибринли суюқлик билан түлган.

Ошқозон-ичаклардаги гистологик ўзгаришлар ўта кучли ва мураккаб кечади. Чунки, иккала кўзгатувчи ҳам асосан шу аззоларга кўпроқ таъсир этади. Бу ўзгаришлар безли ошқозон ва ичаклар шиллиқ пардаларида сероз-катарал, катарал-геморрагик яллигланишлар, дистрофик ва некротик жараёнлардан иборат.

Хулоса. Шундай қилиб, паррандаларда учрайдиган клиник белгилари ва патоморфологик ўзгаришлар жуда мураккаб, бошқа касалликлардан тубдан фарқ қиласы. Аммо яхши эътибор билан таҳлил этилса вактида түғри диагноз қўйилиб, ушбу касалликларга қарши кечиктирмасдан олдини олиш чора-тадбирларини кўриш имкониятини яратади.

Адабиётлар:

1. Артемьева С.А., Бабаева М. Смешанная инфекция пастереллёза и колибактериоза птиц //Птицеводство.- 1970.- №8. -С.45.
2. Лебедева А.И., Борисенкова А.Н, Мухамедшин Р.А. Смешанное течение пастереллёза и колибактериоза кур //Ветеринария.-1973.- №12.- С.58.

СМЕШАННЫЕ ИНФЕКЦИОННЫЕ БОЛЕЗНИ ПТИЦ

Элмуродов Б.А., Курбонов Ф., Киямова З.

Резюме. У птицы, зараженной двумя или тремя патогенами, наблюдаются сложные и глубокие изменения по сравнению с птицей, зараженной одним патогеном. Однако отличить эти заболевания друг от друга на основании только клинических симптомов очень сложно, поэтому целесообразно исследовать их патологоанатомически. Клинические признаки и патоморфологические изменения у птицы очень сложны и существенно отличаются от других заболеваний. Но при внимательном анализе вовремя будет поставлен правильный диагноз, и это даст возможность безотлагательно принять профилактические меры против этих заболеваний.

Ключевые слова. Домашняя птица, бактерии, возбудители, патоморфология, колибактериоз, пуллароз.